

حيات

ارابه ركزى :

آفقرده ده ، استانبول جاده سنده آفقرده
معارف امينلى ياشنده كى دائره

استانبول بوروسى :

استانبولده ، آفقرده جاده سنده ۸۷ نومروده
دايه مخصوصه

نسخه هېربرده ۱۵ غروشه

سنة لکى پوسته ايله ۷,۵ ليرا .

(اجنبى مملكتلر ايجين ۷,۵ دولار) .

ابونه و اعلان ايشلرى ايجين استانبول بوروسه
مراجعت ابدليلر .

يازى ايشلرنك مرجى آفقرده مرکزدر .

ميازه دأما عيانه ... ديايه دأها جورده حيات قاتالم ...

- نيه -

ساى : ۶۹

آفقرده ، ۲۲ مارت ، ۱۹۲۸

۳ مى جلد

☆ حيات مجموعه سى ☆

۹۲۸ نسخه رمضان بهرامنك بونوره قارئدرى ايجونه معاندنر كنبر نسخه نمنى ايجر .

مصاحبه

آفقرده نك صوك هافتانده دأر نو طار

انحصار مفسده - بورده ترقى قالى - ايلك ندرسات قارئيلفى ادلايه معارف دبركسى مسئلى

صوك هافتانك مثبت فعاليتلى اقتصادى
ومالى جبهه لرده تمرکز ايدىيور . بر طرفدن
اقتصاد مجلس عاليى اجتماعنه دوام ايدىيور، ديكر
جهتدن آفقرده دعوت اولونان شكر و پترول ،
توتون ، مسكرات انحصارلى مديرلى اوزون
اوزادى به مالىه وكالتنده اجتماعلر عقد ايله ديلر .
مذاكره موضوعى انحصارلره تعلق ايتديكنه كوره
مملكتك اقتصادى حياتى شدتله علاقه دارايدر .

اقتصاد مجلس عاليه نك نه درجه مثبت
اساسلره كوره چاليشديغى ، تماس ايتديكى مسئلهلر
حقنده تنظيم ايليه چكى رابوردن آكللاياجمر .

عجيا انحصار مديرلر نك مالىه وكاليله تماسلىرى
نتيجه سنده ويريلن قرارلر نه لدردر؟ اونى بوكون
تماميله ييلمه يورز . يالكز يومى غزته لره كوره انحصار
بودجه لر نك تنظيمى مسئله سى تدقيقاتك مركزينى
تشكيل ايدىيورمش . بونقطه بزه صرف ادارى بر
اهميتى حأزدر . نظرى اولارق دوشونولديكى
زمانده نهايت بو بوك ملت مجلسك على الاطلاق
دولت صرفياتى اوزرنده كى مراقبه حقنه تماس

ايله ن بر حقوق اساسيه مسئله سى كى مطالعه
اولونا بيلير .

بزه مهم اولان جهت ، مالىه وكالتك انحصارلر
متوجه اولدينى هدف حقنده نه دوشونديكى
اوكر نمكدر . عجيا انحصارلر صرف قولايجه ويركى
تحصيلى نقطه سندنمى وضع اولونمشدر؟ اكر بويله
ايسه بو اداره لرك اهميتى چوق تالى بر موقعه اينهر .
اووقت عيى ويركوبى دها قولاي ، دها امين بر
طرزده تحصيل ايتك يولى بولونامازمى؟ سؤالى
مواجهه سنده قاليرز . بويله تلقى اولندينى زمان
بو انحصارلر ضرورى اولندينى ده قولايقله اثبات
اولوناماز . اكر انحصارلر صرف ويركى تا ميني
نقطه نظرندن وضع اولوناماش ، دولتك اك
اهميتلى عدايتديكى ثروت منبعلى اوزرينه حاكم
اولماسى ، او ثروتلى مى منفعت اعتباريله اك اى
بر طرزده ايشله تمه مى مقصدى كوزه تيلورسه
اوزمان بو اداره لرك حقيقى قيمت وموقعى تعين ايدر .
انحصارلر ك تشكيلاتنده خصوصيت ، اداره
ايدن لدرده بو قدار مهم اقتصادى برايشى باشاراجق
مزيت آرامانك معناسى آكللاشيلير .

ديكر جهتدن انحصارلر ك هدفى تعين
سايله سنده مملكتده تعقيب اولونان اقتصادى
سياستك انا خطلى عادتاً چيزيلش اولور .
انحصارلر ك كنش بر اقتصادى هدفه متوجه
اولماسى - اى اداره ايديك شريطه - چوق خيرلى
كوره نلردنز . اسكيدن مملكتمزده كى اقتصادى
تدريسات «ليه راليزم» اساسنه كوره عادتاً نص
حالنده جريان ايتديكى ايجين دولتك هر هانكى
بر استحصال منبعى اوزرينه حاكم اولماسى ، اونى
ملى منفعت اك اولغون بر طرزده ايشله تمه سنى
دوغرو بولمايانلر چوقدر . فقط وقايع هر طرفده
بر آرائيق ، مكتبلر مزده «تك» اقتصاد مؤلفى
اولارق طائيديريلان پول روو ابوليونك عالمشول
فرض ايله ديكى اساسلى ، رقابتدن بلكه ن آهنگى
تكذيب ايتكده ، اقتصادى ساحده دولت
قدرتى امكان مرتبه سنده تحديد ايله مك طرفدار
اولانلر ك دوغرو دوشونمكلىرى اورتايه
قومقمده در . دولت تشكيلاتيله اقتصادى بر منبعى
ايشله تمكده بعض ضعيف نقطه لر مز كورولسه بيله
دولتك مى منفعت اعتباريله لازم كوردىكى منابعى

ایشله تمه سی دنیانک کیتمکده اولدینی اقتصادی وجهیه دها موافق ولوبورز .

انحصارلر بویله بر اقتصادی سیاستک نتیجه سی عد ایدیلنجه بونی اداره ایلله نلرک نه قادر آغیر واهمیتلی بروطفیه درعهده ایلهمش اولدقاری صراحتاً میدان حیقاجقدر . او وقت انحصار مدیرلری موفقیتلرینی اثبات ایچین یالکز دولت وارداتی آرتیرمش اولدقارندن بحث ایدهمیه جکار، عینی زمانده انکشافی درعهده ایتدکاری استحصالده هر سینه کندی تدیرلریله حصوله کلن کمیت و کیفیت فرقنی ایضاح ایتکه مجبور اولاجقاردر . دیگر جهتدن انحصار اداره مجلسلرینک یالکز مراقب دکل ، مدیره اقتصادی وجهیه ویره ن بر متخصص هیئت حالنده تشکیلی لزومی ده آ کلاشیلا جقدر .

..

بویوک ملت مجلسی موازنه انجمنی وکالت بودجه لرینی تدقیقنده دوام ایتکده در . بودجه بویوک ملت مجلسنک الک مهم وظیفه سی درعهده ایتشد . انجمن بودجه لری موازنه نقطه سندن تدقیق ایتمز، عینی زمانده تکلیف ایدیلن تخصیصاتک لزوملو اولوب اولمادیغه قرار ویرر . بوقادار کنیش بر صلاحیتله بودجه لر تدقیق اولونورکن مجلسک او ایش حقنده متخصص اولان اعضاسی ده انجمنی تنور ایتک اوزره مذاکره ده بولونسلر چوق فائده لی اولور ظننده یز .

مثلاً معارف بودجه سیله مجلسک معارف ایشنده متخصص اولق اوزره تفریق ایدیلن « معارف انجمنی » اعضاسنک علاقه دار اولماسی، موازنه انجمننده مذاکره ایدیلرکن فکرلرندن استفاده ایتدیرملری نه قادر فائده لی اولور . بر مبعوث ایچین الک شرفلی وظیفه مملکت ایچین خبرلی بر فکرینی تطبیق ساحه سینه ایصال ایدهمیه سیدر . ایشلرک پک چوغی ایه نهایت بودجه ایلله فعله کچمیلیر . معارف ایشنی تدقیق ایتمش ، اونک ایچنده یاشامش اولان بر اعضانک موازنه انجمننده بودجه مذاکره اولونورکن انجمنی تنور ایلهمسی ، فکرندن ، مطالعه سندن هم آرقداشلرینی ، هم اجرا هیئتی استفاده ایتدیرمه سی لازمدر ظننده یز . عیجا هر وکالت

بودجه سنک موازنه نقطه سندن بودجه انجمننده تدقیقندن اول او ایشه طائد قانونلری ایلک اول طائد اولدینی انجمنلرده مذاکره ایدیلهمسی موافق اولمازی ؟

..

ایلک تدریسات مصارفی قارشیلنی اولان معارف ویرکیسندنه تعدیلاتی استهداف ایلهمش قانون ملت مجلسنده در . بوقانون لایحه سی مناسبتیه ملت مجلسنک ایلک تحصیل کبی جمهوریت حکومتی ایچین الک حیاتی بر مسئله نی اساسلی بر واردات منبعنه ربط ایدهمیه جکنی شه سز عدا ایدیورز . بزجه محترم مجلسک شو اساسلی نقطه نی تثبیت ایتهمیه سینه احتیاج واردر : ایلک تحصیل منحصر آ صرف محلی بروطفیه عدا اولوناییلیرمی ؟ یعنی بر ولایت وارداتی کافی کلز ، چوجوقلرینی بر وطنداش ایچین لازم کلن اصغری معلوماتله تجهیز ایدهمیه سزه بونک قارشیسندنه دولت لاقید قالا بیلیرمی ؟ بو سؤاله ده موقراسی مفکوره سی طاشییان هیچ بر دولت رجلی « اوت ! » ده یه مز .

او حالده جمهوریت حکومتی قیصه ومعین بر زمانده هر وطنداش ایچین الک حیاتی معلوماتی تأمین ایدهمش ایلک تحصیلی تعمیم مجبوریتنده در . فقط فعلاً بو وظیفه نی یابابیلیمک ایچین عمومی بودجه ده معین تخصیصاتک اولماسی و او تخصیصات واسطه سیله « جمهوریت » حکومتنک تشکیلات اساسیه قانونیه مؤید مجبوری تحصیل اساسنی تأمین ایلهمیه سی لازمدر . اگر عمومی بودجه ده ایلک تحصیل صرف ایدیلهمیه جک هیچ بر تخصیصات بولونمازسه البته بو تحصیل تعمیم صرف محلی وظیفه حالنده قالیر .

اوزمان بر محل معارفه مخصص وارداتنک آرلنی دولایسیله ایلک مکتبلری آچایایلیر ، بونک قارشیسندنه حکومت برشی یاپاماز ، ملت مجلسی مراقبه حقنی استعمال ایدهمیه رک کیسه نی مسؤل ایدهمزه . دیگر جهتدن بویله بر وضعیت قارشیسندنه معارف وکالتنک ایلک تحصیلی تعمیم خصوص سنده سنه لره منقسم مثبت بر پروگرام حاضر لاما سنده امکان یوقدر . دنیاده ده مو قراسی جریانک انکشافندن دوغان نتیجه لرندن بری متمدن دنیانک هر طرفنده ایلک تحصیلک

دولت وظیفه سی میانهمیه کیرمش اولماسیدر . بونک عملی نتیجه سی ایلک مکتب معلم معاشنک دولت بودجه سندن تسویه سی و یاخود موازنه عمومیه دن ایلک تحصیل ایچون محلی اداره لره کلی یاردیم ایدیلهمسی اولمشدر . باشقا مملکتلرده کی اصوللردن آلدیغمز شو مثاللر وضعیتی توضیح ایدهمز :

انگلتره : دولت بودجه سینه ایلک تحصیل ایچین ۵۰٪ نسبتندن فضله معاونت ایچین تخصیصات قویمشدر .

دانمارقه : دولت بودجه سندن ایلک معلملرک معاش اصلیلرینک بشده برینی ، ترقی و بهالیق ضمنک همینی ویرر .

اسوهج : ایلک مکتب معلملرینک معاشلرینک ۹۰٪ فی دولت بودجه سندن ویریلیر .

فرانسه : ایلک مکتب معلمی معاشی تماماً دولت بودجه سندن تسویه ایدیلیر .

لهستان : ایلک مکتب معلمی معاشی تماماً دولت بودجه سندن تسویه ایدیلیر .

یونانستان : معاش و مصرفلر تماماً دولت بودجه سندن ویریلکده در .

ایتالیا : ایلک مکتبلرک قسم اعظمی دوغروندن دولت بودجه سندن .

هولاندا : معاش دولت بودجه سندن .

بلجیقا : معاشلرک مهم مقداری دولت بودجه سندن

رومانیا : معاشلر دولت بودجه سندن ، مصرفلر محلدن

آمریقا : نه تالارک بعضیلرنده تماماً دولتندن

آوستراليا : معاش و مصرفلر تماماً دولتندن

بویوک ملت مجلسی معارف ویرکیسی قانون لایحه سی مذاکره ایدهمیه رک ایلک تحصیلک تعمیمی الک اساسلی بر دولت وظیفه سی کبی مطالعه ایدهمیه جکنی و اوکا کوره واردات منبعی و تخصیصات قبول ایلهمیه جکنی طبیعتیه امید ایدیورز .

★

